

Vuk'uzenzele

**JOBS
INSIDE:**

Produced by Government Communications (GCIS)

English/Setswana

| November 2018 Edition 1



■ Molo Mhlaba is steadily closing the gap by offering quality education that can set girls up for life.

A ray of hope for Khayelitsha girls

KHAYELITSHA'S FIRST low-fee private school for girls Molo Mhlaba believes that people living in poor communities deserve safe, affordable and quality education.

Allison Cooper

Plagued by escalating crime, poverty and inequality, it was tough to find good education for girls in a safe environment in the Khayelitsha township. This is no longer the case as Molo Mhlaba is steadily closing the gap by offering

quality education that can set girls up for life.

Headed up by Dr Rethabile Sonibare, Molo Mhlaba – which means 'hello' world in English – opened its doors with a mere handful of learners aged between three and six in January 2018. A short ten months later, it has 38 foundation phase learners in its charge.

Inspired by the Montessori approach and a fun, playful and creative environment, the school provides quality science, technology, engineering, art and design and maths (STEAM) education, through innovative teaching and learning strategies, by teachers from the community. It is a dual English and Xhosa medium school.

“As a STEAM school, we offer subjects such as robotics and coding to three and four year olds,” Dr Sonibare confirmed.

In an area where sexual abuse is one of the biggest social ills, Molo Mhlaba provides a safe haven and

● **Cont. on page 2**

“The greatest glory in living lies not in never falling, but in rising every time we fall.”

Nelson Mandela



GO GEORGE leads in empowering people with disabilities

Page 4



Protecting the eyes and ears of children

Page 5



ALSO AVAILABLE ON:



@VukuzenzeleNews

Vuk'uzenzele

Websites: www.gcis.gov.za
www.vukuzenzele.gov.za
 E-mail: vukuzenzele@gcis.gov.za
 Tel: (+27) 12 473 0353

Free Copy

Ba *Driving Ambitions* ba kgontsha batho ba ba tshelang ka bogole go kgweetse

LENAANE LE LE KATISANG batho ba ba suleng maoto le matsogo mmogo le ba ba tshelang ka bogole jwa maoto le dikarolo tsa kwa tlase tsa mmele go kganna, le le dirisang dijanaga tse di agetsweng batho ba ba tshelang ka bogole gore ba kgone go kganna, le dira gore go nne bonolo gore ba ithute go kganna.

Batho ba ba tshelang ka bogole go le gantsi ba tsamaya ba kgopiwa ke dikgwetlho mo go ka fitlheleleng ditšhono tse di tshwanang le tsa batho ba ba senang bogole.

E nngwe ya dikgwetlho tseno ke go ithuta go kganna sejanaga. Le fa go le jalo lenaane la Mokgatliho wa Batho ba ba suleng maoto le matsogo mmogo le ba ba Tshelang ka Bogole jwa Maoto le Dikarolo tsa kwa Tlase tsa Mmele wa Aforika Borwa (QASA) o setse o kgonne go ruta batho ba ba tshelang ka bogole ba le 120 go kganna dijanaga tse di agetsweng batho ba ba tshelang ka bogole, mme ba le 80 ba batho bano ba setse ba iponetse dilaesense tsa bona tsa go kganna.

“Batho ba ba tshelang ka bogole go le gantsi ba kopana le dikgwetlho di le dintsi fa ba tshwanetse go ya kwa le kwa, mme ntlha e kgolo e e tlholang seno ke ya gore dipalangwa tsa botlhe tse di leng teng bontsi jwa tsone ga di ba kgontshe go ka

dira seno bonolo. Fa re dira seno re ne re batla go fedisa kgwetlho eno mme, se se botlhokwa go gaisa ke gore, re ne re batla gore go se nne le sekgoreletsi sepe se se ka dirang gore batho bano ba se thapiwe,” ga rialo Mokaedikhuduthamagamogolo (CEO) wa QASA Ari Seirlis yo le ene a tshelang ka bogole jwa maoto le dikarolo tsa kwa tlase tsa mmele.

Seno ke sone se se rotloeditseng lenaane la ba *Driving Ambitions*, le le simolotsweng ka ngwaga wa 2013. QASA e ne ya ikopanya le setlamo se se hirisang dijanaga sa Avis mabapi le go buisana ka ga mokgwa o o ka dirisiwang go ka ruta batho ba ba tshelang ka bogole go kganna dijanaga tse di agetsweng go ka ba thusa mabapi le ditlhokwa tsa bona.

“Avis e ne ya tlhaloganya ntlha eno, mme gape ya bona le botlhokwa jwa ntlha eno mo kgwebong ya bona, jaaka e ntse e tsweletse go adimana ka dijanaga tsa yona tseo di laolwang

ka seatla. Re utlwanetse gore ba tla re neela sejanaga sa rona sa ntlhae se se tla dirisediwa katisetso ya go kganna,” Seirlis a re jalo.

Lenaane leno le buletse bao ba batlang go dira dikopo tsa dilaesense mme ba sule maoto le matsogo mmogo le go tshela ka bogole jwa maoto le dikarolo tsa kwa tlase tsa mmele e bile ba setse ba reboletse dilaesense tsa go ithuta go kgweetsa.

“Badiradikopo ba kopanngwa pele le ngaka ya moitseanape wa dikgobalo le bogolofadi go netefatsa gore mmele wa bona o siametse go ka kganna sejanaga se se agilweng ka mokgwa o e seng wa setlwaedi ntle le go ka tlhola kotsi epe. Morago ba tla botsolodiwa dipotso tse di tobaneng le matlole a bona go itse gore a naa ba ka kgona go duela bokae, mme madi a a setse a ba sa kgoneng go a duela a tla duelwa ke letlole,” Seirlis o tlhalositse jalo.

Bao ba tsayang karolo mo lenaaneng leno ba neelwa



■ Carol Khoza ke yo mongwe wa batho ba le 80 ba ba tshelang ka bogole ba ba amogetseng dilaesense tsa bona tsa go kgweetsa mme seo ke ka ntlha ya lenaane la ba *Driving Ambitions* la QASA.

ditšhono ka botlalo tsa go katisiwa gore ba ithute go kganna, go fitlha ba ikutlwa gore ba siametse go ka tsaya dikgato tsa go ya tekong.

Naane ya tse dingwe tse di bontshang katlego ya QASA ke ya ga Carol Khoza, yo mo dingwageng di le pedi tse di fetileng a neng a nna mo kotsing ya sejanaga. O ne a golofala.

“Dipalangwa tsa botlhe di ne di sa ntsamaisa sentle. Ke gakologelwa ka le lengwe la matsatsi fa ke ne ke santse ke dirisa dithekisi, ba ne ba nnametsa mme setiloteti sa me ba se siya

kwa ntle ba re ba letile gore thekisi e tlale pele,” Khoza o tlhalositse jalo.

Ka tshegetso ya ba *Driving Ambitions*, Khoza o ne a fitlhelela toro ya gagwe ya gore a nne le laesense ya go kgweetsa.

“Ke leboga QASA gobo ba tsosolositse seriti sa me, gore ke ikemele le gore ke itshepe.”

Go bona tshedimosetso ka botlalo mabapi le lenaane la ba *Driving Ambitions*, ikgolaganye le QASA mo go 031 767 0348/0352 kgotsa o romele imeile mo go info@qasa.com

GO GEORGE e di goga kwa pele fa go tla mo go tsholetseng batho ba ba tshelang ka bogole

GEORGE kwa Kapa Bophirima e tlhalosiwa jaaka e nngwe ya diteropokgolo tse di nang le tlhokomelo mo bathong ba ba tshelang ka bogole.

Dipalangwa tsa botlhe e tlhola e le kgwetlho e kgolo tota mo bathong ba ba tshelang ka bogole ka ntlha ya gore dibese le dithekisi di le dintsi ga di a agiwa go nna le dikarolo tse di ka thusang batho ba ba tshelang ka bogole.

Dimasepala mo nageng ya rona jaanong di setse di simolotse go itlhotlhora matsetse mme di samagane le go rarabolola kgwetlho eno. Mme le fa go le jalo go tlhalosiwa gore Masepala wa George o setse o simolotse go nna sekai gore dipalangwa tsa botlhe di tshwanetse go lebegang gore di kgone go thusa batho ba ba tshelang ka bogolofadi.

Thulaganyo ya Dipalangwa tse di Bonako tsa Dibese (BRT) ya GO GEORGE, e e tlameilwang ka madithuso go tswa kwa Lefapheng la Dipalangwa la Bosetsaba, ga jaanong e na le dibese tse dinnye di le 35, dibese

tsa bogolo jo bo tlwaelegileng di le 36 le dibese tse dikgolo di le 33. Mefuta eno yotlhe ya dibese e agilwe gore e kgone go ka rwala banamedi le ditiloteti tsa bone.

Dibese tsa bogolo jo bo tlwaelegileng le dibese tse dikgolo di tsentshitsuwe mebotwana ya masenke e e laolwang ka mokgwa wa eleketeroniki, manno a teng a itlhophele mmo go le dikarolo tse dingwe tse di tlwaelegileng mo dibeseng.

Dibese tse dinnye tsona di tota di tseetswe matsapa, mme fa di ne di tsenngwatirisona ka ngwaga wa 2015, mo nageng ya Aforika Borwa e ne e le tsona tsa ntlha tseo di neng di na le sekukabanamedi seo se neng se kuka badirisi ba ditiloteti go ba nametsa le go ba folosa. Di na gape le foo go bewang ditiloteti mme mejako ya tsona e bulwa ka digase tse di bulang mejako ya dibese, e leng selo se se nolofaletsang banamedi ba ba



■ Dibese tse dinnye tsa GO GEORGE ke tsona tsa ntlha tse di agilweng ka maikemisetso a go rwala batho ba ba nang le ditiloteti.

tshelang ka bogole go fologa le go namela dibese tseno.

“Mo nageng ya Aforika Borwa ke yona fela tirelo ya debese e e nametsang batho ba ba farologaneng,” ga rialo molaodi wa dibese tsa GO GEORGE James Robb.

“Eno ke e nngwe ya dintlha tse di botlhokwa tsa thulaganyo ya dipalangwa tsa GO GEORGE.

Gobotlhokwa thata gore motho mang le mang a se sokolele kana

go sokodisiwa ke dipalangwa tsa botlhe gore ba kgone go fitlhelela ditšhono ka go lekana fa go na le diphatlhatiro, fa go iwa kwa mabentleleng, fa go iwa kwa dikerekeng, fa re ya go tlhaba kgobe ka mmutla le fa re tlhoka ditirelo di tshwana le tsa tlhokomelo ya boitekanelo.

“Banamedi ba ba tshelang ka bogole ba itumetse mo go maswe gobo dikgwetlho tse ba tobanang natso letsatsi le letsatsi

fa ba leba kwa magaeng a bona di tseetswe tlhogong, le go ba kgontsha gore ba kgone go ithusa ka bobona fa ba tsaya maeto.”

Rodrique Felix, yo mongwe wa badirisi ba ditirelo tseno tsa dibese, o ne a amega mo kotsing ya sethuthuthu dikgwedi di le 18 tse di fetileng. Jaanong o dirisa setiloteti mme a re tirelo ya dibese tseno e nolofaditse leeto le a le tsayang ka metlha go leba kwa bookelong.

“Go bua boamaruri, teropokgolo yotlhe ya George e siametse tota batho ba ba dirisang ditiloteti, e leng selo se sentle e le ruri” Rodrique o tlhalositse jalo.

Masepala o na gape le mekgwa e le mentsinyana ya tshegetso go ka thusa batho ba ba tshelang ka bogole go akaretse le tirelo ya go buisetsa bao ba sa boneng ba ba etelang webesaete ya masepala mme tirelo eno e buisetsa motho yo a etetseng webesaete seo se kwadilweng.